

中国文献珍本丛书

晚清珍稀期刊汇编
(二十)

全国图书馆文献缩微复制中心

光緒二十四年閏三月望日

蜀學報

館設尊經書局

蜀學報

蜀學報

蜀學報

蜀學報第一冊

蜀學會章程

蜀學報章程

論旨

戶部議覆籌借華款摺

蜀學會報初開述義

名山吳之英撰

附蜀學開會記

講義

維持地球和局議

壽州王榮懋撰

川省行車利益說

學會與國議

新製槍彈

新製槍砲

歷述印度種茶情形

試用石油

希臘積債

整頓農務

俄秘製艦

電製寶石

蜀學會章程

- 一 現在時事棘艱登奉 上諭各省振興學校以期儲材備用
學使慨濟時艱尤以振興蜀學爲念本年正月又奉 明詔
舉行經濟特科因此約集同人聯爲此會期以通經致用爲主
以扶 聖教而濟時艱共體 使君奉宣 朝廷德意
此會仿京師官書局大學堂及各省中西學堂而變通之但各
省學堂皆由官辦設立教習招集生徒可以啟後學而不足以
勵成學今立學會以集講爲主推廣學堂之意卽寓其中各就
本地措辦不動官帑
一 此會統名蜀學會以省垣爲總會以府廳州縣爲分會通省皆
名目惟各處須
名某地蜀學會凡入會諸公先將爵里姓名函知本會送以章
程以便分門講習
一 此會雖以蜀學名如外省人願入會者事同一例不分畛域

一入會皆以忠信爲本孝弟爲先尤須講求氣節忠君親上有勇知方隱爲朝廷干城平時德業相勸過失相規患難相卹務推藍田鄉約之義自保其教

一西人學業專在實事求是耐勞苦思講西學者無取道聽途說恣爲游談更不得非毀名教

一學會以立身治行爲主入會以後不得於大節有虧如有干犯名義會中公議令其出局卽有僞才亦不得爲之曲護

一此會以經訓爲主與祖尙西人專門西學者有別至格物窮理無分中外臨講務求折衷至當不得是彼非此率相詆謔致長輕浮

一此會以溫故知新爲主以集眾會講爲專事所講卽政教格致三門中之疑難隱義其平日以編輯倫書孝經義容經婦學幼學等書爲日程

一會學原爲發揚聖道講求實學聖門分科聽性之所近今爲分門別類皆以孔子經訓爲本約分倫理政事格致爲三大門倫理以明倫爲主政事首重羣經參合歷代制度各省政俗利弊外國史學公法律例水陸軍學政教農商各務格致統古今中外語言文字天文地輿化重光聲電氣力水火汽地質全體動植算醫測量牧畜機器製造營建礦學皆聽人自占與眾講習如有新得之學新得之理登報表揚

一會講時所標示者皆係經史大疑古今積患歷來聚訟將來流弊不易晰之條凡學友等務須平心靜氣攷求一是不不得使氣競忿

一會講時必具衣冠禮先聖然後易服集講所敘坐會講不得僥越閒談

一開會之始以三公祠爲聚講所每月兩次朔日牌標講目學友

各將蓄疑新義摘錄送會所傳閱列入講册望日集講認題論

撰者晦日收卷一次不悉下次再講如非專門自願與講者

一會講學友所錄送蓄疑新義同會可黏籤批駁其文義繁重者

許其另為駁議送會所彙存講時公酌得失俟積有成卷仿五

經異義之例編為一書啟發後進

一會所立新義存疑問答三册會講時所發疑義新義及問答精

要之語依門臚列即將此册為學友論撰底本選擇登報省外

分會亦可仿行

一會講仿漢人白虎講義分條樹義互相辨難略有定論退而筆

為論說由主會公同評允登報印行其專言經義撰輯義疏者

作為日記會中以時評論擇尤酌獎

但有日記者會講中所得新義隨時送覽

一分門學業由本業中公推一人為都講凡學友舉疑問難都講

酬答不得推諉若隱義難伸不能明晰者方問主會如不能決

卽入存疑冊中

一五倫之教於會講專條外擬編倫書孝經義等經傳爲綱加以詳說務求精義明豁歸於公理可以通行至於後儒推行過當未便通行者更考 聖經本意爲之折中務求公允不使留

隙以招外人指摘

一倫書外再立容經科言語科以及農工商各學仿時務報之例纂輯各種淺深書籍以便誦習各科皆有細章所有纂輯之事聽人自

占

一入會者自當冒勞致用每人各具日記一冊每日必有課程每月冊上至少亦須二十日除會講專條外所有私居著述均歸其中三月無日記者會講中所得新義卽不送閱

一成都設有中西學堂算學館與學會聯爲一氣所有西學算術等門學友中疑義不釋者函至彼處互相商證

一 學會報館既附設尊經書院創始經費無多膏獎一項會友係書院生由書院給發非書院生由報館給發

一 府廳州縣學友既同入會自當聯爲一氣所有章程均照總會辦理

一 府廳州縣分會風氣聞見不逮省垣入會者以問報爲首務今蜀學報中論議一門專以學會爲主所有章程門目皆詳報上可省裁答之繁如後日再添門目章程俱列於報亦不另函徧告

一 學友不留省者在分會講學如各處有疑義及新義爲法可函詢總會參攷一體獎勵

一 省外會外同志有經世文字新論新法可寄稿省會經評定後或鈔存備覽或刊刻流傳倘發中西未發之新理酌獎加酬以資鼓勵

此會中外書籍儀器圖冊現已購數百部俟款集厚時再爲廣置

一此會捐款仿廣仁堂之例每人至少以二金爲率在省垣者歸總會經理在府廳州縣者歸分會經理惟總會需用浩繁如分會經費有餘量力捐助至購買書籍儀器寄費來省可以代辦

附錄學會六戒

一戒膠執樹義雖精而眾論未允付之存疑以待他日又語不必固以其說進

二戒慢應學雖淺於己未必無一得之勝於己不可存慢心若不屑與言者

三戒非笑詰難縱涉支離可以正告不可以訕笑

四戒詆毀辨難固應侃侃而談不得面斥爲荒謬堂面詰辨縱相持難下退不必有後言更不得面從背毀

五戒忿爭無妨爭論但須辭氣和平不得忿戾見於詞色

六戒驕言一人詞畢起立復坐有詰者答者起立相應始坐而言

不得橫中插語或支離可以五苦不可以嬉笑

以上六條違者記過四次以上憑眾議罰金入會

一無對眾舉報對眾曰未必無一弊之類然已不可容其心苦

固以其端哉

一無對眾舉報對眾曰未必無一弊之類然已不可容其心苦

其證以會八妖

會錄費今檢其八罪俱至顯買書錄其器者皆來者可以外

錄會錄費今檢其八罪俱至顯買書錄其器者皆來者可以外

此會錄費今檢其八罪俱至顯買書錄其器者皆來者可以外

罪

此會中及書錄論器圖無其已類變百倍於家其以耳其

蜀學報章程

- 一 學會主於開通全省風氣特於尊經書局設立報館名爲蜀學
- 一 報學會就全省學人分門講習學報選擇登報
- 一 報章首恭錄 諭摺次論議附近事及分纂官士農工商五門成說
- 一 渝局用鉛字專辦日報及物價表排印時務書并採訪雲貴川
- 一 東新聞彙寄省局省局用木刻專辦學報省局報出專脚寄渝
- 一 渝局卽以所出日報及物價表寄省按期交換互相寄發其進出款日按月核一次惟 電諭及官電報以先睹爲快者由渝局用單張隨得隨印不嫌與省報先後重見
- 一 中外政學分爲官士農工商五門取有關實用可以攷鏡得失不分中外隨文多寡列入亦不拘限每類若干頁數五門各立
- 一 檔冊由本館及學會各友分任排纂以備將來編輯爲時務叢

一各報於采錄譯報隨聞隨錄不加銓次論斷又上屆敘事未終後屆續登不相連屬未免眉目不清今畧分新舊凡隨聞卽錄者歸入新聞其中外大事先後見數屆者用紀事本末之例更加銓次合爲一篇綴以論斷又文字繁冗者閒爲刪節譯語詰屈者閒爲潤色識者諒之

一此報爲蜀中開風氣而設官士商三門畧仿各報之例至農工二門無專門之師尙難遽語步趨西法今於中法成書中專取切於蜀事及近今能行者爲主取西法各報相同之條譜爲圖式綴以論斷由淺入深俟風氣漸開再行添入泰西機器新法一報中立近事一門凡轅門鈔及各局新章各書院題日與本省西藏陝甘雲貴有關大局事務盡歸此類至朝政因革及南省海疆交涉事件蜀聞較晚南報早登則銓次始末歸入近事類

中詳畧取舍務避鈔胥之嫌

一蜀中新聞及雲貴近事由渝局采訪寄省編纂分蜀中外其有同事論撰及局外來稿并寄省局揀擇發刻以成一律

一時務求是各報既已暢行蜀中更立此報者意在昌明蜀學開通鄰省故與各報體例畧有不同各報沿設海疆閱見較易於洋務爲詳本局意主推行力求實用言各有當不嫌並行

一兩局共設總理一人省局設總纂二人協理兼總校一人司計一人鈔錄二人常川住局者火食由局開支夫馬自備

一總理一人仍支渝局原薪月十六兩總纂每月各支薪水十六兩協理兼總校仍支渝局原薪每月十二兩司計月支薪水銀五兩鈔錄月支薪水銀四兩統由省局開支

一總纂主核訂報稿分門編輯凡有論撰及編輯各稿統交總纂核訂務須先期兩月排定交協理挨次寫校付刻其新聞近事

由協理排纂付鈔鈔錄先行校對付刻成冊後統交協理重校印發

一報章印定成冊後交協理點驗付司計登簿其發報收銀支款火食由協理經管司計記帳仿各報之例每季將進出款目附報尾告白年終總結一次

一報局與學會相表裏學會與書院相經緯分爲三事聯爲一氣書院原有堂課佳卷選刊之例今立學會不全屬書院之人士於互相討論自當與課程有別今訂會內學友論撰由主會評閱佳者由報局酬獎登報書院課卷佳者由書院送學會參論交報局發刻書院已有課獎報局不另酬獎學會開講報局隨即出報

一學會講目以教政學業爲四綱分而合之卽官士農工商五事省城學會列課約分爲倫理政事格致三門主於士學而格致

亦兼括農工商其農工商專門各學儻能仿照此例各就地方
聯會與學會通爲一氣所有新得論說及辦法寄稿來省均代
登報

一學報所以連絡各府廳州縣學友通爲一氣現在學會章程由
學使鑒定將來議有詳細辦法統刊入報各府廳州縣如能
設法籌款或就廟宇祠堂及義學善舉各項提款分設農學工
學等會及酌定辦法亦由報局刊布互相取資

一沿海各埠報館林立東南各省時政不免重複而於陝甘雲貴
各省畧焉未詳識者憾焉蜀居數省之中今既先開報館自宜
與各省聯爲一氣務求詳於邊事以與東南各報彼此相資欲
綜中國全局則蜀報固與各報缺一不可也

一此報上冊爲蜀學下冊爲叢書蜀學首論不論旨奏摺次之論
議次之近事又次之篇頁大局以三十爲準要視事之繁簡文